


Öise Lade 12-2014, p. 70

In salid *rumantsch*

Tge tip da Nadal essas Vus? Il tip Fondue Chinoise? E sche gie: Chinoise or dal pachet cumprà or da la glatschera dal supermartgà u Chinoise cun charn dal mazler dal vitg?

U essas Vus il tip, nua che mamma cuschina anc adina il menu da Nadal, dapi 50 onns il medem?



Chinoise?

U essas Vus forsa il tip che na cumporta betg quellas sairas da Nadal en famiglia? Perquai ch'il figl s'interessa tuttina be per il pli nov urdain electronic gist spachetà ed il tat sto sco l'onn passà cumenzar a dispitar cun la sira, e la sora di ch'i fiss bain era stà bun da far ina giada Chinoise empè da quel menu extravagant che ha tuttina be procurà per ina lavurada. E Vus avais dà ina fadia enorma e cuschinà cun amur il menu da la vita. Ha insatgi remartgà insatge? Na.

Guat - lura na datti l'onn che vegn nagut spezial. Insatge sco ris cun charn stagliada ed x ina sosa. U sche Vus vulais propi: halt Chinoise. Lura mangiain nus spert e suenter pudain anc guardar quella tuppa emissiun da Nadal en la televisiun.

Lura celebresch jau Nadal il proxim di be per mai: cun in pignol da Nadal decorà cun premura, bel ed aposta cun ornamentals be kitsch. E suenter cun in menu che lascha siemiar mai anc durant emnas. Mintga sierv dal vin ina buntad che cula giu da la gula derasond ses bouquet fritgus e grev. La charn che lieua sin la lieunga. E cun in dessert che ma dat il rest. Clera notg, sontga notg.


David Spinnler